

王孙圉论楚宝

楚语下

国 语

王孙圉

楚大夫。

聘于晋、定公飨之。

赵简子

晋大夫、赵鞅。

鸣玉以相。

去声、○鸣其佩玉以相礼。

问于王孙

圉曰、楚之白珩、犹在乎。

白珩、楚之美佩玉也。○开口问白珩、则鸣玉以相、分明有意炫耀。

对曰、然。简子曰、其为

宝也几何矣。

言白珩之为宝、所值几何。

曰、未尝为宝。

一句抹倒。

楚之所宝者、

顿一句郑重。与下楚国之宝句紧照。

曰观贯、射

亦、父

甫、○楚大夫。

能作训辞、以行事于诸侯、使无以寡君为口实。

口实、犹言话柄。善于辞命以交邻、使无以不文为话柄。○

是为可宝。

又有左史倚相、

左史、名倚相。

能道训典、以叙百物、以朝夕献善败于寡君、

使寡君无忘先王之业。

叙、次也。物、事也。○明则有以正主志。

又能上下说

悦。

乎鬼神、顺道其欲恶、

使神无有怨痛于楚国。

上天神、下地祇、顺道鬼神之情、所以悦之也。○幽则有以格神明。○是为可宝。

又有薺曰云连徒洲、

薺、泽也。云、即云梦。

连、属也。徒、洲名。盖云梦连属徒洲。

金木竹箭之所生也、龟珠角齿、皮革羽毛、

竹之小者曰箭。○十六字要连看、犹言金木竹箭、龟珠角齿、皮革羽

毛之所生也。

所以备赋、以戒不虞者也。

赋、兵赋也。不虞、意外之患。○治本国所资。

所以共

同供、币帛以宾享于诸

侯者也。

享、献也。○交邻国所资。○是为可宝。○观射父、左史倚相、曰能、曰使。云连徒洲、曰生、曰所以。字法。

若诸侯之好、

去声。

币具

云连徒洲。

而导之

以训辞、

观射父。

有不虞之备、

云连徒洲。

而皇神相之、

皇、大也。○左史倚相。○又将三段、串作一片。

寡君其可以免

罪于诸侯、

邻国有益。

而国民保焉。

本国有益。

此楚国之宝也。

正应一句收。

若夫白珩、先王之

玩也、

玩则非有用之物。

何宝焉。

应未尝为宝句。○以上答白珩已毕、下乃重起奇文、以刺鸣玉、与白珩无关。

圉闻国之宝、六而已。

凡为国者所宝唯六。

圣

能制议百物、以辅相国家、则宝之。

圣、通明也。

玉足以庇荫嘉谷、使无水旱之

灾、则宝之。

玉、祭祀之玉。

龟足以宪臧否、则宝之。

宪、法也。

珠足以御火灾、则宝之。

金足以御兵乱、则宝之。山林藪泽、足以备财用、则宝之。

圣曰能、物曰足以、字法。○此虽是推开一层说、仍句句与

上三段相映照、妙。

若夫晬器之美、

鸣玉声也。

楚虽蛮夷、不能宝也。

问甚矜张、答甚闲淡、机锋射人。

所宝唯贤、自是主论。却著眼在云连徒洲一段。盖藪泽钟美、皆堪有用、自当为宝、正与玩好无用之白珩紧照。后一段于圣能制议之下、复接龟珠金玉。山林藪泽、皆可资之为用者。跌到不宝晬器之美、处处针锋相对。